

Broj: 101- 8317/26 ASt *Adypuab*
Zenica, 05.08.2026. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 601-8315-1/26 Ast od 05.08.2026. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 601-8315/26 ASt od 05.08.2026. godine u postupku dodjele ugovora za nabavku radova izgradnje solarne elektrane, i prihvata se preporuka Komisije za nabavke da se ugovor zaključi sa ponuđačem:

Suvego Smart Solutions d.o.o. Sarajevo

kao najbolje ocijenjenom ponuđaču, prema ponudi protokoliranoj pod brojem: 601-6538/26 od 22.06.2026. godine, a nakon e-aukcije za ostvarenu cijenu od 39.500,00 KM bez uračunatog PDV-a.

II

Prvobitno ponuđena cijena izabranog ponuđača u iznosu od 65.000,00 KM nakon provedene e-aukcije umanjena je za 39.23 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog ugovora dostavit će se na potpis izabranom ponuđaču u skladu sa članom 98. Zakona o javnim nabavkama BiH.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-4900/26 BS od 21.05.2026. godine. Javna nabavka je provedena putem otvorenog postupka sa zaključivanjem ugovora na period od 4 mjeseca.

Procijenjena vrijednost javne nabavke bez uračunatog PDV-a je 65.000,00 KM.

Dana 22.05.2026.godine na Portalu javnih nabavki, istovremeno sa objavljivanjem Obavještenja o nabavci broj: 439-1-3-212-3-101/26 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa Portala javnih nabavki dana 24.06.2026. godine.

Rok za dostavljanje ponuda je bio 24.06.2026. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljeno je šest ponuda u zatvorenoj koverti, i to:

1. Suvego Smart Solutions d.o.o. Sarajevo
2. Conram d.o.o. Brčko
3. Braća Karić d.o.o. Zenica
4. Elektrocentar Petek d.o.o. Tuzla
5. Enerdyne d.o.o. Sarajevo
6. Deling d.o.o. Tuzla

Komisija za nabavku imenovana je Odlukom broj: 101-2841/26 ME od 16.03.2026. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 6 (šest),
- da je blagovremeno zaprimljeno 6 (šest) ponuda,
- da nema neblagovremeno zaprimljenih ponuda 0 (nula),
- ukupno 31 (trideset jedan) ponuđač je preuzeo tendersku dokumentaciju sa Portala javnih nabavki.

Komisija za nabavku je dana 05.08.2026. godine direktoru preduzeća dostavila Zapisnik o ocjeni ponuda broj: 601-8315/26 ASt od 05.08.2026. godine sa preporukom o izboru najpovoljnijeg ponuđača:

Uvidom u priloženu dokumentaciju postupka broj: 404-4900-1/26 BS od 21.05.2026. godine, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH“, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH“, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Prilikom evaluacije ponuda konstantovano je sljedeće:

Ponuđač Conram d.o.o. Brčko nije izvršio obilazak terena što je bilo obavezno prema tenderskoj dokumentaciji.

Iz gore navedenih razloga ponuda ponuđača Conram d.o.o. Brčko je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Prilikom pregleda i ocjene ponude ponuđača Braća Karić d.o.o. Zenica utvrđeno je da dostavljena izjava o garantnom roku nije bila dovoljno jasna u dijelu koji se odnosi na zahtjev iz tenderske dokumentacije, kojim je propisano dostavljanje izjave ponuđača da proizvođač daje garanciju na solarne panele u trajanju od najmanje 15 godina, inverter u trajanju od najmanje 8 godina i na izvedene radove u trajanju od 3 godine. Budući da iz sadržaja dostavljene izjave nije bilo moguće sa sigurnošću utvrditi da li ista potvrđuje da proizvođač daje tražene garancije, komisija je, u cilju otklanjanja navedene nejasnoće uputila ponuđaču zahtjev za pojašnjenje ponude broj: 501-6616-1/26 AB od 03.07.2026. godine. Ponuđač je u ostavljenom roku dostavio pojašnjenje ponude. Međutim, ponuđač je i u pojašnjenju naveo da garantni rok daje ponuđač, dok je tenderskom dokumentacijom zahtjevana izjava ponuđača da proizvođač daje garanciju na tražene rokove. Slijedom navedenog, dostavljeno pojašnjenje ne potvrđuje ispunjenje zahtjeva tenderske dokumentacije u dijelu koji se odnosi na izjavu ponuđača da proizvođač daje tražene garancije.

Iz gore navedenih razloga ponuda ponuđača Braća Karić d.o.o. Zenica je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Slijedom navedenog, ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 04.08.2026. godine, u terminu od 12:00 sati.

Ponude ponuđača, prije početka e-aukcije su:

1. Elektrocentar Petek d.o.o. Tuzla, sa ukupnom cijenom ponude u iznosu od 64.309,27KM bez PDV-a
2. Deling d.o.o. Tuzla, sa ukupnom cijenom ponude u iznosu od 65.000,00KM bez PDV-a
3. Suvego Smart Solutions d.o.o. Sarajevo, sa ukupnom cijenom ponude u iznosu od 65.000,00KM bez PDV-a
4. Enerdyne d.o.o. Sarajevo, sa ukupnom cijenom ponude u iznosu od 65.000,00KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. Suvego Smart Solutions d.o.o. Sarajevo, sa ukupnom cijenom ponude u iznosu od 39.500,00KM bez PDV-a
2. Elektrocentar Petek d.o.o. Tuzla, sa ukupnom cijenom ponude u iznosu od 40.000,00KM bez PDV-a
3. Deling d.o.o. Tuzla, sa ukupnom cijenom ponude u iznosu od 52.000,00KM bez PDV-a
4. Enerdyne d.o.o. Sarajevo, sa ukupnom cijenom ponude u iznosu od 58.124,00KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. Suvego Smart Solutions d.o.o. Sarajevo, sa ukupnom cijenom ponude u iznosu od 39.500,00KM bez PDV-a
2. Elektrocentar Petek d.o.o. Tuzla, sa ukupnom cijenom ponude u iznosu od 40.000,00KM bez PDV-a
3. Deling d.o.o. Tuzla, sa ukupnom cijenom ponude u iznosu od 52.000,00KM bez PDV-a
4. Enerdyne d.o.o. Sarajevo, sa ukupnom cijenom ponude u iznosu od 58.124,00KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku radova izgradnje solarne elektrane, dao ponuđač Suvego Smart Solutions d.o.o. Sarajevo jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi ugovor.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



DIREKTOR:


Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a